



ԼՐԱՑՈՒՑԻՉ
ՏԵՂԵԿՈՒԹՅՈՒՆՆԵՐԻ
ՀԱՄԱՐ
այցելե՛ք մեր կայքը՝
www.nato.int

Հայտնաբերե՛ք ՆԱՏՕ-ն



Մարդկանց պաշտպանությունը

Մենք այնքան ենք վարժվել ազատ ու անհող ապրելուն ու տեղաշարժվելուն՝ ապահով ու տնտեսապես անվտանգ միջավայրում, որ հաճախ չենք էլ մտածում, թե որքան կարևոր է դա բոլորիս համար: Առօրյա կյանքի բոլոր ոլորտների անվտանգությունը մեր բարեկեցության հիմնաքարն է:

Գործընկերությունների կռումը

Երկխոսության ու համագործակցության ծավալումը կենսական նշանակություն ունի խաղաղ գոյակցության ու տարբեր երկրների միջև ավելի խորը փոխըմբռնում հաստատելու համար: ՆԱՏՕ-ն իր անդամ ու գործընկեր երկրներին անվտանգության խնդիրները համատեղ քննարկելու բացառիկ հնարավորություն է ընձեռում՝ փոխադարձ վստահության ստեղծման և, հեռանկարում, հակամարտությունները կանխելու նպատակով: Գործնական համագործակցության ու բազմակողմ նախաձեռնությունների միջոցով, երկրներն այժմ միասին են դիմակայում անվտանգության գծով ծագող նոր սպառնալիքներին:

Պայքար նոր սպառնալիքների դեմ

Սպառնալիքների բնույթի փոփոխության հետ, պետք է փոխվեն նաև խաղաղության պահպանման հեռանկարները: ՆԱՏՕ-ն վերակողմնորոշում է իր պաշտպանական կարողությունները՝ հաշվի առնելով արդի սպառնալիքները: Այն արդի պահանջներից է հարմարեցնում իր ուժերն ու տարբեր երկրների ներգրավում ահաբեկչության, պետական ճգնաժամերի և անվտանգությանը սպառնացող այլ գործոնների, օրինակ՝ զանգվածային ոչնչացման զենքերի տարածման դեմ պայքարելու գործում:

Խաղաղության ու կայունության հաստատում

Կայունությունից միաժամանակ կարող են օգուտ քաղել բազմաթիվ երկրներ: Խիստ կարևոր է կայունություն հաստատել այն տարածաշրջաններում, որտեղ լարվածությունը սպառնում է անվտանգությանը: Սիսա թե ինչու է ՆԱՏՕ-ն գործուն դեր ստանձնում ճգնաժամերի հաղթահարման գործողություններում՝ այլ միջազգային կազմակերպությունների հետ համատեղ:

Անդամ ու գործընկեր երկրները

Հյուսիսատլանտյան պայմանագրի ստորագրումը՝ 1949-ի ապրիլի 4-ին

ԱՆԿԱՆՆԵՐԸ (ու ԵՆԿԱՆՈՒՅՈՒՆ ՏԵՐԻՆ)

- | | |
|-------------------------------|-------------------------|
| Ալբանիա /2009 | Լատվիա /2004 |
| Բելգիա /1949 | Լիտվա /2004 |
| Բուլղարիա /2004 | Լյուքսեմբուրգ /1949 |
| Կանադա /1949 | Նիդերլանդներ /1949 |
| Խորվաթիա /2009 | Նորվեգիա /1949 |
| Չեխիայի Հանրապետություն /1999 | Լեհաստան /1999 |
| Դանիա /1949 | Պորտուգալիա /1949 |
| Եստոնիա /2004 | Ռումինիա /2004 |
| Ֆրանսիա /1949 | Սլովակիա /2004 |
| Գերմանիա /1955 | Սլովենիա /2004 |
| Հունաստան /1952 | Իսպանիա /1982 |
| Հունգարիա /1999 | Թուրքիա /1952 |
| Իսլանդիա /1949 | Մեծ Բրիտանիա /1949 |
| Իտալիա /1949 | Միացյալ Նահանգներ /1949 |

ԳՈՐԾԵՆԿԵՐՈՒԹՅՈՒՆ ՀԱՆՈՒՆ ԽԱՅՐՈՒԹՅԱՆ (ԳՀԽ) ԵՐԿՐԿՆԵՐ

- | | |
|---------------------------|---|
| Հայաստան | Ռուսաստան |
| Ավստրիա | Սերբիա |
| Ադրբեջան | Շվեդիա |
| Բելառուս | Շվեյցարիա |
| Բոսնիա և Հերցեգովինա | Տաջիկիստան |
| Ֆինլանդիա | Մակեդոնիայի նախկին հարավսլավական հանրապետություն* |
| Վրաստան | Թուրքմենստան |
| Իռլանդիա | Ուկրաինա |
| Ղազախստան | Ուզբեկստան |
| Ղրղզստանի Հանրապետություն | |
| Մալթա | |
| Մոլդովա | |
| Մոնտենեգրո | |

ՄԻՋԵՐԿԵՐԱԿԱՆ ԵՐԿՐՈՍՈՒԹՅԱՆ ԳՈՐԾԵՆԿԵՐՆԵՐ

- | | |
|------------|---------|
| Ալժիր | Մարոկկո |
| Եգիպտոս | Թունիս |
| Իսրայել | |
| Հորդանան | |
| Մավրիտանիա | |

ՍՏԱՄՅՈՒՆ ՀԱՄԱԳՈՐԾԱԿՑՈՒԹՅԱՆ ՆԱԽԱԶԵՆՈՒԹՅԱՆ (ՄՀՆ) ԵՐԿՐՆԵՐ

- | | |
|---------------------------------|--|
| Բահրեյն | |
| Քուվեյթ | |
| Կատար | |
| Արաբական Միացյալ Եմիրություններ | |

*Թուրքիան Մակեդոնիայի Հանրապետությունը ծանաչում է վերջինիս սահմանադրական անվամբ:



Ի՞նչ է ՆԱՏՕ-ն

Հյուսիսատլանտյան պայմանագրի կազմակերպությունն աշխարհի խոշորագույն միջազգային կառույցներից է: Այն քաղաքական ու ռազմական դաշինք է, որը միավորում է Հյուսիսային Ամերիկայի ու Եվրոպայի 28 անդամ-երկիր:

Այդ երկրները համդիպումներ են ունենում՝ անվտանգության ու պաշտպանության ոլորտում համագործակցելու նպատակով: Այդ տեսանկյունից, ՆԱՏՕ-ն նշված երկու մայրցամաքներին տրամադրում է քաղաքականության ու պաշտպանության ասպարեզում համագործակցության եզակի հնարավորություն:

Ի՞նչ է անում ՆԱՏՕ-ն

ՆԱՏՕ-ի առաքելությունն իր անդամներին պաշտպանելն է՝ քաղաքական ու ռազմական միջոցներով: Այն նաև խրախուսում է խորհրդակցություններն ու համագործակցությունը ՆԱՏՕ-ի անդամ չհանդիսացող երկրների հետ՝ անվտանգությանն առնչվող բազմաթիվ ոլորտներում, այդ թվում՝ պաշտպանության համակարգի բարեփոխումների ու խաղաղության պահպանման:

Խորհրդակցությունների ու համագործակցության շնորհիվ, ՆԱՏՕ-ն նպաստում է հակամարտությունների կանխմանը՝ ինչպես իր անդամ-երկրների սահմաններում, այնպես էլ դրանցից դուրս:

Այն ողջ աշխարհում տարածում է ժողովրդավարական արժեքները և ի գործ դնում բոլոր հնարավոր միջոցները հակամարտությունների խաղաղ կարգավորման համար: Երբ դիվանագիտական միջոցներն արդյունք չեն տալիս, ՆԱՏՕ-ն ունի սեփական ուժերով, կամ միջազգային կազմակերպությունների հետ համատեղ, ճգնաժամերը կառավարելու և խաղաղարար միջոցառումներ իրականացնելու համար անհրաժեշտ ռազմական հնարավորությունները:

ՆԱՏՕ-ն ունի նաև գործունեության երկրորդ ասպարեզ, այն է՝ քաղաքացիական պաշտպանության միջոցառումների պլանավորում, Դաշնակիցներին և Գործընկերներին աղետների հաղթահարման գործում օժանդակության ցուցաբերում, ինչպես նաև գիտության ու շրջակա միջավայրի պահպանության բնագավառում համագործակցության ընդլայնում:



Յուրաքանչյուր անդամ-երկիր մշտական պատվիրակություն ունի Բյուրատելում գտնվող ՆԱՏՕ-ի քաղաքական կենտրոնում: Պատվիրակությունը զվիսավորում է դեսպանը, որն իր պետության տեսակետն է ներկայացնում Դաշինքի խորհրդակցական ու որոշումների կայացման գործընթացում:

Հյուսիսատլանտյան խորհուրդը կազմակերպության որոշում կայացնող ամենազվիսավոր մարմինն է: Այն հանդիպումներ է ունենում տարբեր մակարդակներով՝ ՆԱՏՕ-ի Չվիսավոր քարտուղարի նախագահությամբ, որն օգնում է անդամներին համաձայնության գալ առանցքային հարցերի վերաբերյալ: ՆԱՏՕ-ի բոլոր հանձնաժողովներում որոշումները կայացվում են միայն կողմերի ընդհանուր համաձայնությամբ: Ուստի, յուրաքանչյուր «ՆԱՏՕ-ի որոշում» իրենից ներկայացնում է բոլոր անդամ-երկրների միասնական կանքի դրսևորումը:

ՆԱՏՕ-ի սեփական մշտական ուժերը խիստ փոքրաթիվ են: Երբ Հյուսիսատլանտյան խորհրդում որևէ գործողության վերաբերյալ որոշում է կայացվում, Դաշինքի անդամները կամավոր հիմունքներով զինված ուժեր են տրամադրում՝ այն իրականացնելու համար: Առաքելությունն ավարտելուն պես, այդ ուժերը վերադառնում են իրենց երկրները:

Ինչպե՞ս է գործում ՆԱՏՕ-ն

Այդ գործողությունները համակարգում ու իրականացնում է ռազմական հրամանատարությունը, որը բաղկացած է շտաբից ու տարբեր անդամ-երկրներում տեղակայված հենակետերից:

ՆԱՏՕ-ի առօրյա գործունեությունը, քաղաքացիական ու ռազմական կառույցները և անվտանգության ապահովման նպատակով իրականացվող ներդրումային ծրագրերը ֆինանսավորվում են ընդհանուր բյուջեներից, որոնք գոյանում են անդամ-պետությունների կողմից կատարվող մուծումներից՝ ըստ նախապես սահմանված ծախսերի բաշխման բանաձևի:

